

ჯანსაღი პირის ღრუ ბავშვისათვის

კბილების კარიესისა და ღრძილების დაავადებების პროფილაქტიკა და აღმოფხვრა რეგულარული სტომატოლოგიური შემოწმებითა და რისკ-ფაქტორების მართვითაა შესაძლებელი.

ეხმარები შენს პატარას იზრუნოს პირის ღრუს ჰიგიენაზე?

გამოიყენე რჩევები
იმოქმედე ჯანმრთელი პირის ღრუსათვის

☐ იცი რა ასაკიდან უნდა დაიწყოს ბავშვმა პირის ღრუს ჯანმრთელობაზე ზრუნვა?

ბავშვის პირის ღრუს ჯანმრთელობაზე ზრუნვა მისი დაბადებისთანავე იწყება, ღრძილები დღეში 2-ჯერ გაუწმინდე სუფთა, რბილი და სველი მარლით ან ღრუბლით, განსაკუთრებით ჭამის შემდეგ და ძილის წინ. შეეცადე არ მისცე პატარას საწოვრიანი ბოთლით ჩაძინების საშუალება. ბავშვის კბილების გახეხვა დაიწყე პირველი სარძევე კბილის ამოჭრისთანავე.

☐ იხეხავს ბავშვი კბილებს დღეში 2-ჯერ?

აუცილებელია ბავშვმა კბილები დღეში 2-ჯერ (დილით საუზმის შემდეგ და საღამოს ძილის წინ) 2 წუთის განმავლობაში ჯაგრისის წრიული მოძრაობებით გაიხეხოს.

მნიშვნელოვანია, ძილის წინ, კბილების გახეხვის შემდეგ, ბავშვმა არ მიიღოს საკვები, არ დალიოს ტკბილი ან გაზიანი სასმელები.

დაეხმარე პატარას პირის ღრუს ჰიგიენის დაცვაში, სანამ იგი დამოუკიდებლად არ ისწავლის კბილების სწორად გახეხვას.

☐ იცი თუ არა რამდენად ხშირად უნდა შეცვალო კბილის ჯაგრისი?

იმისათვის, რომ უზრუნველყო პატარას პირის ღრუს ჯანმრთელობა, მნიშვნელოვანია ჯაგრისი ყოველ 3 თვეში ერთხელ შეიცვალოს.

☐ იცი თუ არა რომ საწოვარას ან ცერა თითის წოვა უარყოფით ზეგავლენას ახდენს ბავშვის პირის ღრუს ჩამოყალიბების პროცესზე ?

არ გამოიყენოთ საწოვარა 2,5 წელზე მეტი ასაკის ბავშვებში, შეეცადე პატარას კვების რაციონში ნაკლები შაქარი და თაფლი გამოიყენო.

☐ შენი პატარა იკვებება ჯანსაღად ?

ნუ გამოიყენებ ბავშვის რაციონში დღეში 3 ჰაის კოვზზე მეტ შაქარს, შეამცირე შაქრის შემცველი წვენებისა და გაშაგრილებელი სასმელების მოხმარება.

☐ გაინტერესებს როგორი კბილის პასტა გამოიყენო ბავშვისთვის?

რეკომენდებულია ფტორის შემცველი კბილის პასტის გამოყენება.

ჯაგრისზე მოათავსე

- 3 წლამდე ასაკის ბავშვებში - ბრინჯის მარცვლის ოდენა კბილის პასტა.
- 3 წელზე მეტი ასაკის ბავშვებში - ლობიოს მარცვლის ოდენა კბილის პასტა.

აუცილებელია, რომ კბილის პასტაში ფტორის შემცველობა ბავშვის ასაკობრივ ჯგუფს შეესაბამებოდეს. ფტორის შემცველობასთან დაკავშირებით კონსულტაცია გაიარეთ ბავშვის სტომატოლოგთან.

☐ იცით თუ არა როგორ დაიცვა ბავშვის უსაფრთხოება თუ ის ძალისმიერ კონტაქტურ სპორტის სახეობაზე დადის?

თუ ბავშვი გატაცებულია ძალისმიერი კონტაქტური სპორტის სახეობით აუცილებელია კბილების დამცავი კაპის გამოყენება.

სპორტული კაპი არის პირის ღრუს დამცავი საშუალება და ფართოდ გამოიყენება ყველა იმ სპორტის სახეობაში, სადაც მაღალია დაზიანების რისკი.

ეს სახეობებია:

- რაგბი
- კალათბურთი
- ამერიკული ფეხბურთი
- ჰოკეი
- ბეისბოლი
- ხელბურთი
- ფრენბურთი
- ბოქსი, კინგბოქსი
- საბრძოლო ხელოვნების თითქმის ყველა მიმართულება მაგ: კარატე, ძიუდო, სამბო
- ველოსპორტი, სკეიტბორდი.

კაპი არის რეზინის საფარის მქონე კბილების დაცვის საშუალება, რომელიც მჭიდროდ ბის კბილებზე და იცავს მათ დაზიანებისგან.

☐ უტარებთ ბავშვს რეგულარულ სტომატოლოგიურ დათვალიერებას?

სტომატოლოგთა მსოფლიო ასოციაციის რეკომენდაციით პატარას მიყვანა სტომატოლოგთან 6-12 თვის ასაკშია საჭირო. მათ 40%-ს კარიესი უკვე ბალის ასაკამდე აღენიშნებათ. როგორც კვლევებმა აჩვენა, მუდმივი თანკბილვის დროს კარიესების რაოდენობა პირდაპირ კავშირშია სარძევე კბილებში კარიესების რაოდენობასთან. გარდა იმისა, რომ პატარა ადრეულ ასაკშივე ეჩვევა სტომატოლოგიურ კაბინეტში არსებულ გარემოსა და ჰიგიენურ პროცედურებს, არანაკლებ მნიშვნელოვანია მშობლისთვის მიწოდებული ინფორმაცია, იმის შესახებ თუ როგორ უნდა ადევნოს თვალყური ბავშვის პირის ღრუს ჯანმრთელობას.

☐ დაიმახსოვრე!

სწორი ქცევითი უნარ-ჩვევების ჩამოყალიბება ადრეული ასაკიდან იწყება.

კარიესი შესაძლებელია პირველი სარძევე კბილების ამოჭრისთანავე განვითარდეს, ამიტომ დროულად იმოქმედე ჯანრთელი პირის ღრუსათვის



დაავადებათა კონტროლისა და
საზოგადოებრივი ჯანმრთელობის
ეროვნული ცენტრი
GEORGIAN NATIONAL CENTER FOR DISEASE
CONTROL AND PUBLIC HEALTH

#SayAhh

#WOHD19



World Oral
Health Day
20 March